

PREMIU ISPECIALE «PANATHLON CLUB OZIERI»

SENDEGÀI B'AFILAMUS

Sa frascuza de s'òspile
ammarrànat su ventu
e frammas de arrebutu
iscasant in fumera
s'urtimu pupurùstu de sonnos

S'irvanèssat sa cantata
de prantarìthas e merulas
cando totus atrempamus
che corranças arthuddatas
a unu riu de oras pragatas

Ma nois
cussentzias de veraniles
luego che allampiamus
sos chircos de s'atzile
uve
su tempus prumonathu
irgròmerat dies de iscunortu

e in una cròchita
s'illivrìnit che survile
sutzande s'avrèschita
dae sa janna de s'anima nostra...

In s'interi atitamus
su sole ch'est a istenios
in su chelu luzanu
como como risulanu
intre atzinno de luchidore

Sendegai b'afilamus
che massajos de su cras
a ghetare sa poesia
in rallas e in athiles
po intregare tocheddos
e chimuzos de galania
a sos coros pitzinnos